

ضحك السنين

بتجرى بينا السنين
وبننسى نعدھا
ساعات نجرى معاھا
من خفة دمھا
وساعات تكون سخيفة
وتخبى وشھا
وبنحاول نرزقھا
ونفك لغزھا ونحنن قلبھا
بتفرحنا يومين
وبننسى إحنا فين
وننسى كل اللي جرى لنا منها

وفجأة ومن غير مناسبة
تلف علينا حبها
وتكثر المشاغل
وتزود المشاكل
ونحتر منها
وتتعب اللى يقول أنا قدها
وتلهيه ف عندها
وذكريات وعدت و معاها أهلها
وكتير بنشتاق لها
وصغيرين كنا بنستعجل الأيام
وبنرسم الأحلام
وندعى يارب نكبر
اوام ونحسد الكبار ونقول
امتى نكبر زيها

جريت بينا السنين
من غير ما نستطعم حلوها
إزاي وامتى

محسناش بجريها !!!
مشيتنا فى طريقها
وبطولها وعرضها

طيرنا مع النجوم
ونسينا الهموم
وسمعنا ام كلثوم
وجرينا نسابقها
فى ظل شجرها
وجنب وردها
وقابلنا ناس ياما ..
ناس لسه معانا

وناس نسينا شكلها
وناس عاشت جوانا
وعمرنا مانسى فضلها
وحققنا احلامنا ..
بعضها بس مش كلها
وظلمتنا السنين
ومهمناش ظلمها
مليناها حب وسعادة
وما خفناش منها
طلعت قاسية وصعبة
واحنا اللى كنا بنشتاق لها
طيب فين الحنية ..
حد يقول لها
حتى الحظ ماشى فى ظلها

... ننادى عليه

يقول خدوا الإذن منها !!

شايها إزاي بتتضحك

ولا بيهمها

وبتجري بينا السنين

وبتنسى نعدھا